

---

OFFERYNNAU STATUDOL CYMRU

---

**2002 Rhif 74 (Cy.8) (C.1)**

**ADDYSG, CYMRU**

**Gorchymyn Deddf Anghenion Addysgol Arbennig  
ac Anabledd 2001 (Cychwyn) (Cymru) 2002**

*Wedi'i wneud* - - -

*17 Ionawr 2002*

Mae Cynulliad Cenedlaethol Cymru, drwy arfer y pŵer a roddwyd iddo gan adran gan adran 43(6) a (7) o Ddeddf Anghenion Addysgol Arbennig ac Anabledd 2001(1), drwy hyn yn gwneud y Gorchymyn canlynol:

**Enwi, Cymhwyso a Dehongli**

1. Enw'r Gorchymyn hwn yw Gorchymyn Deddf Anghenion Addysgol Arbennig ac Anabledd 2001 (Cychwyn) (Cymru) 2002.
2. Mae'r Gorchymyn hwn yn gymwys mewn perthynas â Chymru yn unig.
3. Yn y Gorchymyn hwn, onid yw'n dweud fel arall, mae cyfeiriadau at adrannau ac Atodlenni yn gyfeiriadau at adrannau o Ddeddf Anghenion Addysgol Arbennig ac Anabledd 2001 ac Atodlenni iddi.

**Y diwrnodau penodedig**

4. Y diwrnod penodedig i'r darpariaethau a bennwyd yn Rhan I o'r Atodlen i'r Gorchymyn hwn ddod i rym yw 21 Ionawr 2002.
5. Y diwrnod penodedig i'r darpariaethau a bennwyd yn Rhan II o'r Atodlen i'r Gorchymyn hwn ddod i rym yw 1 Ebrill 2002.

---

**Statws** This is the original version (as it was originally made). Dim ond ar  
ei ffurf wreiddiol y mae'r eitem hon o ddeddfwriaeth ar gael ar hyn o bryd.

---

Llofnodwyd ar ran Cynulliad Cenedlaethol Cymru o dan adran 66(1) o Ddeddf Llywodraeth  
Cymru 1998(2)

17 Ionawr 2002

*John Marek*  
Dirprwy Lywydd y Cynulliad Cenedlaethol

## YR ATODLEN

Erthyglau 4 a 5

## RHAN I

## Y DARPARIAETHAU SY'N DOD I RYM AR 21 IONAWR 2002

Y DDARPARIAETH	Y PWNC
Adran 1 (i'r graddau y mae ei hangen er mwyn gwneud unrhyw reoliadau y mae'n darparu ar eu cyfer)	Addysgu plant ag anghenion addysgol arbennig yn ysgolion y brif ffrwd
Adran 8 (i'r graddau y mae ei hangen er mwyn gwneud unrhyw reoliadau y mae'n darparu ar eu cyfer)	Adolygiad neu asesiad o anghenion addysgol arbennig ar gais corff cyfrifol
Adran 42(1) (i'r graddau y mae'n berthnasol i ddarpariaethau Atodlen 8 a nodir yn y tabl hwn)	Mân ddiwygiadau a diwygiadau canlyniadol
Paragraffau 17 a 18 o Atodlen 8 (i'r graddau y mae eu hangen er mwyn gwneud unrhyw reoliadau y mae'n darparu ar eu cyfer)	Deddf Personau Anabl (Gwasanaethau, Ymgynghori a Chynrychioli) 1986

## RHAN II

## Y DARPARIAETHAU SY'N DOD I RYM AR 1 EBRILL 2002

Y DDARPARIAETH	Y PWNC
Adran 1 (i'r graddau nad yw eisoes mewn grym)	Addysgu plant ag anghenion addysgol arbennig yn ysgolion y brif ffrwd
Adran 2	Cyngor a gwybodaeth i rieni
Adran 3	Datrys anghydfodau
Adran 7	Dyletswydd i roi gwybod i riant pan wneir darpariaeth addysgol arbennig
Adran 8 (i'r graddau nad yw eisoes mewn grym)	Adolygiad neu asesiad o anghenion addysgol arbennig ar gais corff cyfrifol
Adran 9	Dyletswydd i bennu ysgol a enwir
Adran 42(1) (i'r graddau nad yw eisoes mewn grym) i'r graddau y mae'n berthnasol i ddarpariaethau Atodlen 8 a bennir isod.	Mân ddiwygiadau a diddymiaidau
Adran 42(6) i'r graddau y mae'n berthnasol i ddarpariaethau Atodlen 9 a bennir isod.	
Yn Atodlen 8, paragraffau 1, 5 i 12, 14, 16 i 18 (i'r graddau nad ydynt eisoes mewn grym)	Mân ddiwygiadau a diwygiadau canlyniadol
Yn Atodlen 9 y diddymiaidau canlynol i'r graddau y maent yn berthnasol i Gymru—	

*Statws* This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

Y DDARPARIAETH	Y PWNC
yn Neddf Personau Anabl (Gwasanaethau, Ymgynghori a Chynrychioli) 1986, adran 5(1)(3); yn Neddf Addysg 1996(4)— yn adran 325(1), y geiriau “, and of the effect of subsection (2) below”; yn Atodlen 27, paragraff 3(4), paragraff 8(1)(b)(iii), ym mharagraff 9(1) y geiriau “amend, or” a “10 or”, a pharagraff 10.	

## EXPLANATORY NOTE

*(Nid yw'r nodyn hwn yn rhan o'r Gorchymyn)*

Mae'r Gorchymyn hwn yn darparu ar gyfer dwyn i rym ddarpariaethau penodol o Ddeddf Anghenion Addysgol Arbennig ac Anabledd 2001 yng Nghymru ar 21 Ionawr 2002 er mwyn caniatáu i reoliadau sy'n ymwneud ag anghenion addysgol arbennig (AAA) gael eu gwneud cyn cychwyn gweddill darpariaethau'r Ddeddf sy'n ymwneud ag AAA.

Mae hefyd yn darparu ar gyfer dwyn i rym yng Nghymru ar 1 Ebrill 2002 y darpariaethau eraill yn y Ddeddf sy'n ymwneud ag AAA, gan gynnwys darpariaethau sy'n ymwneud ag addysgu plant ag AAA yn ysgolion y brif ffrwd, darparu cyngor a gwybodaeth i rieni plant ag AAA, a threfniadau ar gyfer datrys anghydfodau ynghylch materion sy'n ymwneud ag AAA, adnabod ac asesu anghenion addysgol arbennig a diwygio datganiadau AAA.

(3) 1986 p.33.

(4) 1996 p.56.